

Årsmelding for 2020

og

styret si melding

Selskapet si verksemd

Haugaland Kontrollutvalgssekretariat IKS er eit interkommunalt samarbeid mellom ti kommunar på Haugalandet, og skal ivareta funksjonen som sekretariat for kontrollutvala for eigarane. Deltakarkommunane er Bokn, Etne, Haugesund, Karmøy, Sauda, Suldal, Sveio, Tysvær, Utsira og Vindafjord. Kommunane hadde totalt 118.599 innbyggjarar pr. 01.01.20. Det er stor skilnad når det gjeld storleik (frå minst i landet på under 200 til over 42.000 innbyggjarar).

Selskapet blei stifta med verknad frå 01.01.05 på bakgrunn av ei lovendring i kommunelova om uavhengige sekretariat. Selskapet utførar sekretariatstenester som omfattar oppgåver for kontrollutvala som saksførebuing, utsending av sakspapir, protokollføring og iverksetjing av vedtak.

Kontora ligg i Tysvær rådhus, Aksdal, medan møta i kontrollutvala blir halde i rådhusa ute i kommunane. I 2020 har **8** av møte vore digitale (Teams eller Zoom) pga. koronapandemien.

Året 2020 har vore prega av korona, då møtedato har vore endra og planarbeidet blei noko forseinka. I tillegg at sekretariatet lagt fram sak om kommunane si revisjonsordning. Alle ni av kommunestyra valde å gå burt frå konkurranseutsetjing av revisjonstenestene til å velje interkommunalt samarbeid, ved å gå inn som eigar i Rogaland Revisjon IKS frå 01.07.21.

Sekretariatet har gjennomført totalt **50** (47) kontrollutvalsmøte og saksførebudd **325** (274) saker i 2020. Av desse har **77** (72) gått til vidare handsaming i kommunestyra. Talet på kommune-styresaker har vore frå 6 til 9 saker i dei ulike kommunane.

I selskapet har det vore **4** styremøte og **1** representantskapsmøte i april. Som følgje av lovendring blei det for fyrste gong opna for digitalt møte for representantskapet og det konstituerande representantskapsmøtet blei gjennomført på møteportalen Teams. Valkomiteen hadde fremma si innstilling, etter framlegg på kandidatar frå dagleg leiar, og leiar/nestleiar og nytt styre blei valt for dei neste fire åra.

Styret har handsama **28** (21) saker, der **7** saker er sendt eller skal sendast vidare til representantskapet med innstilling. På personellsida har det vore inga endring. Selskapet har sine midlar på driftskonto, kapitalkonto og på lovpålagt skattetrekkkonto. I 2020 blei lønnsutbetalinga og rekneskapsføringa overtatt av eksternt firma ved kjøp av tenestene frå Addera SA. Endringa blei godkjent av representantskapet som eige sak.

For å samordne kommunen sin eigenkontroll og staten sitt tilsynsarbeid, har sekretariatet og statsforvaltaren i Rogaland hatt kontakt. Frå 2020 er det oppretta ein landsomfattande tilsynskalender, slik at alle kan dra vekslar på, og byggjer på kvarandre sitt arbeid, samt unngå å undersøke same tenesteområde innafor omtrent same tidsrom.

Framhald av drift

Verksemda er basert på eit gjensidig samarbeid med og mellom eigarane om sekretariatfunksjonen for kontrollutvala i avtale frå 2004. Det er inga indikasjonar som skulle seie at grunnlaget for selskapet skal falle bort.

Kommunelova krev at sekretariata skal ha si sjølvstende, dvs. ikkje vere underlagt kommunedirektør eller revisor. Ei samanslåing av kommunar vil kunne få verknad for drifta, men det er pr. i dag inga planar om dette. Selskapet har stabilitet i arbeidsstokk, eigenkapitalen er god og rekneskapen viser overskot.

Med dette som utgangspunkt meiner styret at vilkåra for framhald av drift av selskapet er til stades.

Resultat og utvikling

Selskapet skal i tråd med selskapsavtalen drivast i balanse, slik at inntektene frå kommunane dekkjar kostnadene. Rekneskapen for 2020 viser ein omsetnad/budsjett på kr 2 149 000. Drifta har resultert i eit driftsoverskot på kr 75 432 og eit **positivt årsresultat på kr 78 493**. Lønns- og driftskostnadene blei nokre mindre enn vedtatt budsjett.

Styret gjer framlegg at overskotet vert tilført eigenkapitalen. IKSet er eit lite selskap og er sårbar for endringar i rammevilkår og arbeidsstokk. Det er såleis viktig å ha reservar tilgjengeleg. Ved å kunne sette av midlar vil selskapet bli meir robust i sin daglege drift, samstundes som selskapet blir meir likvid.

Selskapet har i 2020 ikkje delteke i eller gjennomført forskings- og utviklingsprosjekt.

Arbeidsmiljø

Selskapet har eit godt arbeidsmiljø. Sjukefråveret er rekna til 0 % (2 %). Det har ikkje vore nokon skadar eller ulykker. Selskapet har hatt fokus på forhold knytte til helse, miljø og tryggleik. Selskapet har samarbeidsavtale med NAV om inkluderande arbeidsliv.

Som tidlegare år har styret ein positiv haldning til kompetanseoppbygging i selskapet. Styret meiner det er viktig for å halde på dyktige medarbeidarar og at det har positive verknader for arbeidsmiljøet. Sekretariatet har i 2020 vore på ein konferanse, NKRF si i januar før nedstenging pga. koronapandemien. Nettverksmøtet for Agder, Haugalandet og Rogaland, samt Vestlandssamlinga for kontrollutvalssekretariat i Stavanger blei også avlyst pga. pandemien.



Likestilling

Selskapet har to tilsette, ei kvinne og ein mann. Styret i selskapet er sett saman av to kvinner og ein mann. Det er ikkje sett i verk spesielle likestillingstiltak. Selskapet legg vekt på likebehandling mellom kjønna i sin verksemd og styret meiner denne målsettinga er oppfylt.

Ytre miljø

Selskapet har ikkje verksemd som forureinar utover reiseaktivitet knytte til arbeidet i eigarkommunane. Selskapet sitt hovudkontor er lagt til Aksdal i Tysvær kommune, som geografisk ligg om lag midt i selskapet sitt virkeområde.

Avslutning

Som sekretariat for kontrollutvala er selskapet avhengig av eit nært og godt samarbeid med kommunestyra v/ordførar og administrasjonen i kommunane og revisjonselskapa. Styret og dagleg leiar vil takka for samarbeidet som har vore i året som har gått.

På denne måten kan Haugaland Kontrollutvalgssekretariat IKS gjennom si verksemd vere med på å få ein velfungerande forvaltning og skape størst mogleg tillit til kommunane som forvaltningsorgan, til beste for kommunane og den enkelte innbyggjar.

Aksdal, 16.02.21

Siv Bente Stople Østbo
styreleiar

Ernst Morgan Endresen
nestleiar

Astri Furumo
styremedlem

Toril Hallsjø
dagleg leiar